



## Jannie du Toit

Lirieke van my opnames. Meer te kry op my webblad  
[www.janniedutoit.com](http://www.janniedutoit.com)

### OPTELGOED

Musiek: Marie Trdoux  
Teks: Nic Tredoux

My hart lê in 'n seepampoentjie  
uitgespoel op die strand  
my hartseer lê in 'n perlemoentjie  
uitgewerp op die sand  
maar ek weet jy gaan dit optel  
ja, ek weet jy gaan dit optel

My hartstog lê in 'n mosselskulpie  
uitgestoot bo die waterkant  
my liefde lê in 'n seebamboesie  
eenkant op die duin se rand  
maar ek weet jy gaan dit optel  
ja, ek weet jy gaan dit optel  
ek weet jy gaan dit optel  
optelgoed loop jy nie verby nie  
druk jou skulpie teen jou oor  
en luister dan na my

Ek speel virjou 'n hartseerdeuntjie  
op my fluit van seebamboes  
ek speel vir jou 'n hartseerdeuntjie  
op my fluit van seebamboes  
want my liefde kom daar diep diep  
uit die hart van my seebamboes  
want my liefde kom daar diep diep diep  
uit die hart van my seebamboes